
DISSERTATIO MEDICA

INAUGURALIS,

DE

ALIMENTO ASSIMILANDO.



T. 935. 2

DISSERTATIO MEDICA
INAUGURALIS,
DE
ALIMENTO ASSIMILANDO ;

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, S. S. T. P.
ACADEMIÆ EDINBURGENÆ PRÆFECTI ;

NEC NON
Amplissimi SENATUS ACADEMICI Consensu,
Et Nobilissimæ FACULTATIS MEDICÆ Decreto ;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS ;

ERUDITORUM EXAMINI SUBJICIT
JOANNES SHARPLES LAWSON,
ANGLUS.

SOCIET. REG. MED. EDIN. SOC.

Dolor ipse disertum
Fecit. OVID METAM. Lib. XIII. Fab. I. 228.

Ad diem 24 Junii, hora locoque solitis.

EDINBURGI :

EXCUDEBANT C. STEWART ET SOCIJ, ACADEMIÆ TYPOGRAPHI.

1800.

3222.91



SOCERI SUO DILECTISSIMO,
REVERENDO GULIELMO HARRISON,

QUI

EX OFFICIO MAGISTRATUS

SUMMO CUM HONORE

ÆQUALITER OMNIBUS JUSTITIAM

ADMINISTRAT :

NECNON

GULIELMO WITHERS, ARMIGERO,

EBORACI PROPRÆTORI

VIRO

VIRTUTE OMNIGENA

ORNATO :

ITEM

VIRO JUSTO, ERUDITOQUE

REVERENDO GEORGIO SKELDING,

PROPTER MAXIMA BENEFICIA:

HOC OPUSCULUM,

EXIGUUM, SED SINCERUM GRATI ANIMI TESTIMONIUM

DAT, CONSECRATQUE

AUCTOR.



Digitized by the Internet Archive
in 2020 with funding from
Wellcome Library

https://archive.org/details/b31876535_0001

DISPUTATIO MEDICA

INAUGURALIS,

DE

ALIMENTO ASSIMILANDO.

JOANNE SHARPLES LAWSON, AUCTORE.

ALIMENTUM, quo corpus nutriatur, bene concoquere, ad omnis animalis incolumitatem prorsus necessarium est. Nul- lum animal enim, vigere, et prospera valetu- dine frui potest, quod, prae ventriculi imbecil- litate vel aliis quibuscumque causis, nequit tan- tum alimenti perficere, quantum ad corpus nutriendum opus sit, et ad humores præterea suppeditandos loco eorum, qui quotidie fecer- nuntur et excernuntur.

Uti bona ventriculi valetudo necessaria est ad secundam valetudinem animalium, ita, si modo ad munus non satis validus sit ventriculus, cæterae quoque corporis partes languescunt, neque possunt ad incolumitatem conducere.

Quando alimentum bene concoquitur, corpus viget, eique constant sua forma, sua pulchritudo, suumque robur. Quoties, contra, prae stomachi imbecillitate, cibis et potus male perficiuntur, animal cessat increfcere; neque multo post, formam amittit et pulchritudinem. Sanguinis pars musculos, ossa, arterias, venasque, nervos, cæterasque, quotquot sint, partes solidas, sustinet et renovat. Hæc vero pars, quamdiu victum bene perficere valet stomachus, absorpto *chylo* reficitur; copia haud minuitur; infantili, puerili et juvenili ætate suppeditat, unde corpus magnitudine increfcat, atque unde, adultâ ætate, omnes corporis partes validæ sustineantur.

Alia

Alia autem sanguinis pars per glandulas, quarum est humores speciales e sanguine fecernere, in novos convertitur humores, qui novis prorsus pollent qualitatibus.

Partes sanguinis, cum eas, quæ ad nutriendum impenduntur, tum eas quas fecernunt glandulæ, et per ductus speciales excernunt e corpore, renovare necessarium est.

Hoc consilio, corpora animalium ita a natura constituta sunt, ut res quasdam in sanguinem convertere possint. Hæc autem conversio a medicis *assimilatio* nominatur.

Res, quas in sanguinem mutare possunt animalia, sunt vel carnes et piscatus, vel variæ fruges quas suggerunt ea quæ a terra per stirpes aluntur.

Ex animalibus nonnulla, terræ frugibus, ex toto, vivunt ; alia ita fabricata sunt naturâ, ut

tantum carnes possint concoquere ; alia cibo utriusque generis famem tollant. Hominum genus præ aliis, multigeno cibo vivere potest. Homo enim, secus atque alia animalia, eâdem neutiquam regione semper commoratur. Quippe haud raro, studio novarum rerum, aut divitiarum, aut scientiæ, aut salutis, patria relicta, novas et distantes regiones petit, quæ ei alium prorsus cibum, atque is quem patria, suggerunt.

Quo alimenta in sanguinem convertantur, ante omnia opus est, ut in ore dentibus comminuantur. Hoc enim facto, facilius solvuntur succo speciali, cum quo in stomacho devorata commiscantur.

In ore alimentum commiscetur cum humore, cui saliva nomen est, quemque fecernunt glandulæ *submaxillares* et *sublinguales*, *salivales* dictæ.

Saliva utilis est ad *papillas nerveas*, quibus
linguæ

linguæ dorsum oblitum est, humefaciendas sic, ut cibus admotis facilius stimulentur, et acrius sentiant.

Quin, enim, necessaria ad gustandum saliva sit, dubitari non potest; cum præsertim, siquando, ut in quibusdam morbis accidit, præ salivæ parçitate, *papillæ nerveæ* linguæ siccescunt, cibus non satis stimulentur, atque gustus multum tardescat.

Quinetiam, saliva eas partes alimenti solvit, quas solvere humores possunt. Sic solutæ, *papillas nerveas* linguæ vehementius incitant, et acriorem sensum movent. Lubricum porro alimentum reddit saliva, sic ut facilius per gulam in stomachum descendat.

In humano genere, salivam ad decem uncias viginti quatuor horis fecerni compertum est.

Partes constituentes, quas in saliva *chymia*
detexit,

detexit, sunt magna copia aquæ et mucilaginis, et pauxillum salis. Tenacitas mucilagini tribuenda est.

Ei sal inest eâdem fere ratione, qua sanguini; hinc quæcunque hoc vehementius *papillas nerveas* stimulant, saporem habent, et sapida nominantur; quæcunque contra languidius, infusa.

Alimentum, simul ut cum saliva uniter commixtum est, ex ore transit in *pharyngem*; “cujus contractione in gulam impellitur, “quam dilatat, et ad contractionem ciet, “qua demum contractione a *pharynge* incipiente, et ad ventriculum pervenit, ibi quo “opus est tempus detinendus.” *Greg. Conspect.* Ad devorandum opus est, ut multæ simul partes conspirent. *Pharynx*, præ musculis quibusdam contractis, sursum, simulque paululum antica versus, trahitur; quo fit, ut *larynx* nullam alimenti partem accipere possit. In-
terea

terea, musculi quidam palatum molle sic sursum trahunt et retrorsum, ut nares posteriores occludantur, et ampliatur pharynx.

Primum ut in pharyngem intromissum est alimentum, fibræ musculosæ, quarum contractione coangustatur gula seu *œsophagus*, sese deinceps contrahunt, at adeò citò, ut omnes una simulque sese contrahere videantur.

In *pharynge* intromissum alimentum emollitur tenace humore, partim hujus glandulis, partim, iis tonsillarum secreto. Ex *pharynge*, contractione fibrarum quæ in hujus circuitum disponuntur, detruditur in superiorem *œsophagi* partem; unde pari modo, fibris in circuitum dispositis deinceps contractis, infra transmittitur in stomachum.

Alimentum, non propriâ gravitate in stomachum delabi, sed vel recto corpore musculorum quorundam contractione detrudi, satis constat.

constat. Non solum enim quadrupedes, sed ipsi etiam homines, cum esculenta tum potulenta possint, corpore inverso, deglutire. Contrà, fibris *œsophagi* paralyticis, devorandi sunt prorsus impotentes; et vel humores tenuissimi nequeunt ex ore in stomachum, nisi per immisissam fistulam, transmitti.

Alimentum, cum primum in stomachum transmissum est, paulatim commiscetur cum humore speciali, qui a physiologis *succus gastricus* nominatur. Hic humor in omni stomachi parte secerni videtur, præter angustiores extremitates, quæ *pylorus* dicitur, et quæ, cætero stomacho fabricâ dissimilis, ipso consilio facta videtur, ut alimentum, ex parte concocatum, transmittat in summum intestinum.

In stomacho nullæ glandulæ, quæ *succum gastricum* secernant, detegi possunt. Veri igitur simillimum est, hunc humorem exhalari ex patulis arteriis, quæ in facie stomachi inter-

na definunt. Quâ naturâ *succus gastricus* fit, nondum fati periculo compertum est. Nonnunquam subviridis est et fere infusus, vel saltem vix subfalsus. Interdum subacris, et videtur ab arteriis morbidè se moventibus secretus.

Putredini, porrò, obstat, potentiùs forsan, quam alius ullus ex animalium humoribus.

Nullâ verò vi insignior est, quam ea quam possidet, assumptos cibos solvendi.

Quinetiam, mira ei inest coagulandi facultas, qua assumpta, quotquot cogi possunt, in ventriculo coagulantur. Ea verò, quæ, sicut aqua, non possunt cogi, *succo gastrico* parùm mutantur, sed haud ita multò post, vasis bibulis absorbentur, et deferuntur absorpta in sanguinem. Compertum enim est, magnam aquæ copiam brevi ex stomacho, per hæc vasa, in sanguinem transmitti; unde per renes,

quos stimulat, denuo fecernitur, quò per vasa idonea, urinæ nempe meatus et fistulam, egeratur ex corpore.

Solidorum, quæ, in stomachum assumuntur, nonnulla ea sunt, ut *succo gastrico* cogantur; alia, quæ cogi recusant, comminuuntur tamen sic, ut eodem paulatim solvantur. Utriusque generis cibi, postquam *succo gastrico* soluti sunt, in *gelatinosum* demum humorem mutantur, neque aliam in stomacho mutationem subeunt.

Stomachus, fibris ejus musculosis astringentibus se vicissimque relaxantibus, in motus cietur, iis intestinorum haud absimiles, qui *peristaltici* nominantur. His motibus cibi locum in stomacho subinde mutant, et melius cum *succo gastrico* commiscentur. Verùm haud tamen, ad cibos perficiendos, necessarii sunt; cum præsertim hi *succo gastrico*, vel extra stomachum

machum, perficiantur, et, post mortem, stomachus ipse eodem perficiatur.

Humor, in quem *succo gastrico* cibi in stomacho convertuntur, *chymum* nominatur, et ipsa conversio *chymificatio*.

Alimentum, cum jam in ventriculo satis diu contentum est, hinc in summum intestinum demittitur.

Omne verò alimentum eodem haud tempore in stomacho mutatur. Quo enim tempore una alimenti pars in stomacho in *chymum* conversa est, quale in summum intestinum demittatur, fieri potest, ut alia pars vixdum mutata maneat. Hinc satis constat, alimentum paulatim in stomacho concoqui, et fieri posse, ut esuriant aliquis, cujus stomacho aliquid etiamnum infit alimenti. Multò verò vehementius esurit, cui jejunos stomachus est. Prout in ventriculo alimentum paulatim in

humorem glutinosum, *chymum* dictum, conversum fit, in summum intestinum transmittitur, ubi mutatur in humorem albidum, luci imperivium, et tenacem, qui *chylus* nominatur.

Quanto verò post in *chylum* mutatur, nondum periculo fatis compertum est. Summum intestinum fabricâ stomachum magis refert, quàm cætera intestina, et *alter stomachus* nominari debet; quippe hoc nomen, quâ fabricâ fit, melius indicaret.

In summo intestino alimentum cum bile et *succo pancreatico* commiscetur. Nondum vero fatis constat, ad quod utiles sint hi humores; neque tamen de horum usu prorsus ignoratur. Bilis enim intestina in salutares motus ciet. Acida, porro, neutra reddit, per *sodam* quam continet; et, quum in summum intestinum influat, ubi alimentum in *chylum* convertitur, verisimile est, ad hanc conversionem, plùs
minùs

minùs conducere. Ad idem conferre videtur *succus pancreaticus*.

Certò tamen scimus, bilem ad *chylum* formandum non necessarium esse. Necessarius verò, necne, sit *succus pancreaticus*, ignoratur; interdum enim in summum intestinum fluere non potest, et alimentum tamen concoquitur, licet forsitan non æque bene.

Bilis maximâ glandularum, quæ in humano corpore sunt, jecore nempe, secernitur, et solus humorum est, qui ex sanguine venarum separatur.

Bilis naturâ viridis est, sed aquâ diluta flava fit. Gustatu amara est; odoratu aromatica. Etiam in foetu aqua tenacior est. Cum aqua tamen facilè commisceri potest, at non, si pura, cum oleo.

Fel cum dilutis liquoribus ardentibus in
unum

unum concorporatur, sed a moris itemque ab acido sulphurico cogitur. Coactum solvunt *alkalia*. Temperie paulo calidior, quam ea coeli, aqua, quam continet, dissipatur, et tunc flammæ opportunissima est. Partes, quæ bilem constituunt, sunt aqua, *soda*, albumen, et refina ex aqua color et amaritudo.

Succus pancreaticus salivæ similis est; et *pancreas*, quo fecernitur, glandula *salivalis* nominari potest.

Succus tamen *pancreaticus* salivâ tenacior et falsior est. Ad alimentum in *chymum* et *chylum* convertendum prorsus necessarius est. Imò etiam vix dubium, quin *chylum*, ex parte, constituat. *Chylus* sanguini multis similis est, et in sanguinem, uti videtur, facilè converti potest. Conversio enim simplex est, neque ea, qua multum mutari possit *chylus*.

Chylus in summo intestino formatur; ex quo
demittitur

demittitur in jejunum. Hinc, a vasis lacteis absorptus, in *receptaculum chyli* transmittitur, unde per *ductum thoracicum* transit in *venam subclavianam sinistram*; et postea in pulmonibus, uti putatur, in sanguinem convertitur.

Vasa *lactea* *chylum* speciali modo attrahunt.

Chylus intestinorum villis adhærens, *lacteorum* oscula sic stimulat, ut his absorbeatur; deinde *peristaltico* quasi *lacteorum* motu promovetur in receptaculum, hinc in *venam subclavianam sinistram*.

Valvulæ, quibus instruuntur *lactea*, obstant, ne pressu quolibet *chylus*, jejunum versus, refluat.

Chylus, qui in *lacteis* reperitur, unica pars alimenti est, quæ ad nutriendum corpus conducit. Cæteræ enim partes, quæ *faeces* nominantur, infra quotidie transmittuntur.

Lactea

Lactea magnâ vi se contrahendi pollent; quæ magis necessaria est, quòd in iis humor non, sicut in arteriis, motibus aliis visceris, sicuti cordis, propellitur.

Lactea, in cursu, per plurimas glandulas transeunt, quæ *lymphaticæ* seu *conglobatæ* nominantur. Ad quod verò utiles sint hæ glandulæ, nondum satis constat. Utrùm enim *chylus*, dum per eas transit, aliquo modo mutetur, prorsus incertum est. Mutatio verò, si quam subit, parum evidens est.

Chylus dulcis falsò habetur a quibusdam, qui putant, urinam *diabeticorum* idcirco dulcem esse, quod cum ea pars chyli fecernitur.

Quanto verò errore versentur, ex eo satis apparet, quod *chylus* plerumque insulfus est. Nonnunquam tamen subdulcis compertus.

Chylus per vasa, *lactea* dicta, quæ per glandulas

dulas lymphaticas transeunt, in *receptaculum chyli* transmittitur; unde per *ductum thoracicum* defertur in *venam subclavianam sinistram*, ut cum circumfluo sanguine commixtus, in vitalem humorem in pulmonibus convertatur.

Quemadmodum verò fiat hæc conversio, nondum satis constat. Nonnulli putant, cum sanguine commixtum *chylum* aptum reddi, qui in sanguinem mutetur. Neque, profecto, hoc vero abfimile est, cum præsertim, uti suprâ diximus, sanguinem *chylus*, per multa, referat.

Chylus, five ex carnibus, five ex terrâ natis, seu ex utrisque formatus, iisdem prorsus pollet viribus. Neque hoc mirum, quoniam hæc utraque, modo in partes constituentes dissociantur, ex iisdem ferè elementis constare comperiuntur.

Succus gastricus famelicorum animalium plùs ad alimentum concoquendum pollet,

C

quam

quàm is eorum quæ non esuriunt ; atque adolescentium, quàm adultorum.

Fames videtur, magna ex parte, *succo gastrico* moveri, et haudquaquam partibus oppositis jejuni stomachi se mutuò atterentibus, uti nonnulli falsò putârunt. Quo enim alimentum concoquendi potentior succus est, eo citiùs concoquitur alimentum, eo frequentior et acrior fames.

Adolescentia, porrò, animalia escam multo citiùs concoquunt, quàm adulta ; propterea quòd illis majore copiâ chyli opus est, quæ sanguinem rependat, dissipatum augendo varias partes corporis, quàm his, quorum corpora non diutiùs increscunt, neque plus sanguinis dissipant, quàm ad quotidianum dispendium sufficiat.

In ventriculo, dummodo magnâ vi concoquendi polleat, alimento, licèt naturâ ad putrescendum

treſcendum proclive, quò minùs putreſcat, obſtatur. Si verò imbecillus fit ventriculus, eſca, qualiſcunque fit, in eo aceſcit vel putreſcit, haud ſecùs ac ſi extra corpus manſiſſet.

In ventriculo, qui ad alimentum concoquendum non fatiſ pollet, ſpiritus nonnunquam aſione quadam, uti dicunt nonnulli auctores, vaſorum, per quæ in eum diſtribuitur ſanguis, evolvitur. Quod cum accidit, demittitur plerumque, plùs minùs, animus.

Alii verò auctores contendunt, ſpiritum, quo imbecilli ſtomachi tam ſæpe diſtenduntur, ex concocto non bene alimento evolvi. Sed fatiſ ſcimus, vel vacuum ſtomachum ſpiritu haud rarò inflari. Prætereà, ſpiritum ex vaſis exiguis evolvi poſſe, clarè conſtat ex veſicula, quæ in piſcibus quibuſdam ſpiritum ſemper continet, qui exiguis vaſis formatur in veſiculam diſtributis. Quinetiàm, ſpiritum ex vaſis exiguis interdum evolvi, hinc apparet, quòd,

quòd, præ animo demisso, podagricis haud rarò stomachus spiritu subito distenditur.

Denique, in nonnullis etiam eorum, quorum stirpes terrâ continentur, in alga nempe, aër, ex vasis exiguis quodammodo secretus, in vesiculis quibusdam continetur.



C. STEWART ET SOCII.
